

INUIT ATAQATIGIIT



UKA2019/Imm. 156

03. oktober 2019

Peter Olsen

Uunga siunnersuut: Eqqumiitsuliornermik ingerlatsineq pillugu Inatsisartut inatsisaata allanngortinneqarnera pillugu Inatsisartut inatsisaat nr. xx, xx. xxx 2019-imeersoq

(Ilinniartitaanermut, Kultureqarnermut, Ilageeqarnermut Nunanullu Allanut Naalakkersuisoq)

Nunatsinni eqqumiitsuliornermik ingerlatsinerup sukkut tamatigut tapersorsorlugulu nukittorsarne-qartuarnissaa Inuit Ataqatigiiniit pingaartilluinnakka ilagaat. Taamatut eqqumiitsuliornerup silarsuaata iluani sukkut tamatigut tapersersuillatalu nukittorsaajuarnissamik Inuit Ataqatigiit pingaartitsinerput uppernarsarneqartutullusooq ippoq ugguna Naalakkersuisut aaliangiiffigisassa-tut siunnersuutaatigut.

Soorlu Naalakkersuisoq aallarniinermini ilaatigut nammineerluni ima tunngavilersuuteqartoq;

Siunnersuut una pineqartoq 2018-imi ukiakkut ataatsimiinnermi aalajangiiffigisassatut siunnersuutip akuerineqarneranut malitseqartitsinertut isigineqassaaq, tassani aalajangerneqarsimavoq Naalakkersuisut kingusinnerpaamik 2019-imi ukiakkut ataatsimiinnermi inatsimmut atuuttumut allannguutissatut siunnersuusiussasut, taamaalilluni eqqumiitsulianut tamanut aningaasanik agguasaateqarfimmik pilersitsisoqarniassamat.

Aaliangiiffigisassatut siunnersuut qulaani pineqartoq, Naalakkersuisup eqqaasaa tassaavoq Peter Olsenip Inuit Ataqatigiit sinnerlugit siunnersuutiginikuusimasa.

Taamaattumik nuannaarpugut tullusimaarlatalu kiisami eqqumiitsuliornermut aningaasaateqarfiup pilersinneqarnissaa qanilliallanneqarmat.

Sulissamullu tillinnguuttoq, kiserngoruttussangortorlu tassaalerpoq aningaasaateqarfiup pilersinneqarnissaa.

Inuit Ataqatiinniit ilungersoqqissaavut suleqqissaagullu aningaasaateqarfiup pilersinneqarnissaa anguneqarsiillugu. Qilaalereerpullu taamanikkornissaanut pilersinneqarnissaanut.

Eqqumiitsuliornermik aningaasaateqarfiup pilersinneratigut, eqqumiitsuliornermik ingerlatsisut kikkulluunniit oqinnerusumik, eqaannerusumik pisariinnerusumillu sullinneqalersinnaanissaat aqqutissiuunneqassasoq Inuit Ataqatigiinnit upperaarput.

Taamatuttaaq politikkikkut akuliuffigineqanngitsumik aningaasaateqarfimmik pilersitsinikkut eqqumiitsuliorortunut ukiumut aningaasaliissutigineqartartut annertusiartuaalernissaat aamma upperil-luinnakka ilagilluinnarmassuk; Aningaasaateqarfiup pilersinneratigut aningaasat

atunngitsoorneqarsimasut ukiup tullissaanut ingerlateqqinneqartalissapput, ullumikkut taamaattoqarsinnaanngilaq, taassuma saniatigut, aningaasaateqarfik avataaniit kikkunnilluunniit aningaasaliiffigineqarsinnaalissaq, taamalilluni nunatta karsia kisimi aningaasalersuinani aammali kikkunnilluunniit tamanit aningaasaliiffigineqarsinnaalissaq, tassalu; inuinnarnit, suliffeqarfinnit, aningaasaateqarfinninggaaniilluunniit allanit aningaasaateqarfimmut pilersinneqartussamut aningaasalersueqataasinnaanngortinnejassapput.

Aningaasaateqarfiup pilersinneqarneratigut, aningaasaateqarfissaq aningaasaateqarfinnik allanik assingusunik eqaatsumik suleqateqarsinnaalernissaa aqqtissiuunneqassaaq. Taamaalilluni nunatsinni eqqumiitsuliortut nunarsuarmioqataasutut misigisimanerat annertusarneqarsinnaanngus-salluni.

Naggataatigut una pingaaruinnartoq aamma ilanngukkusupparput.

Aningaasaateqarfiup pilersinneqarnissaanut siunertanut anguniakkanullu ilaalluinnarpoq eqqumiit-suliortunut ataasiakkaanut suliaqarluarsimasunut, malunnaatilimmillu sunniuteqarluarsimasunut ukiumut aaliangersimasumik, ukiunilu aaliangersimasuni aningaasaliiffigineqartalernissaat, qallunaatitoorlugu æresbevisningimik taaneqartoq.

Nunarsuatta sinnerani aaqqissuussinerit taamattut tusarsaagaluttuinnarput; Qallunaat Nunanni taamattoqareerpoq, Savalimmiunilu siornaannguaq aamma taamatut assingusumik ingerlatsisoqaler-simavoq.

Qaa aamma uagut taamaliulerniarta piffissanngorpoq.

Taamaattumik aappassaaniinnginnerani kulturimut ilinniartitaanermullu ataatsimiititaliamut suliassanngorlugu ingerlateqqaarusupparput.

Ataatsimiititalimi qulakkeerlugu paasiniarusupparput, taamatut inatsisisamik uuminnga akuersaarnitsigut aamma ataaqinaammik nersornaammik taaneqarsinnaasumik pilersitsinissaaneq aamma aqqtissiuunneqarsinnaanersoq, imaluunniit naamik, Massakkut inatsisisami ilanngunne-qasanersoq, imaluunniit aningaasaateqarfiup pilersinneqareerneratigut aatsaat tamanna pilersinneqarsinnaalissaanersoq paasilluarusunnarpoq.

Taamattumik tamanna tunngavigalugu suliassaq manna aappassanneerneqannginnerani kulturimut ilinniartitaanermullu ataatsimiititaliamut ingerlateqqipparput, apeqqutit qulaani pineqartut qulaajar-neqarsinnaaqqullugit.

Qujanaq

In.in.

Peter Olsen